

粵海關志

粵海關志凡例

一 周官太宰言九賦合關關者通也司關司關者掌國貨之節以聯門市蓋南市之商賈與海關之賓客事例相通即後世職貢互市之始而今關權所由昉也

聖朝版輿之廣度越千載東南番舶實有從古未通中國者辨其種族攷其程途則又兼周官懷方訓方匡人擲人象胥各官所掌職司恭重故今恭纂志書以昭法守

粵海關志 凡例

一 宋潛說友撰咸淳臨安志首載詔令然冠以前朝非尊王之義惟鄭居中等政和五體新儀首列御筆指揮最為足法今用其例恭載

聖訓

上諭之為便民除弊發者尊為

訓典貽範萬世

一 荀子曰欲觀聖王之蹟則於其粲然者矣後王是也蓋閱世雖有古今而取法不外因革即如市舶之行久載典籍故謹輯前朝事實

一門以資攷鏡之益

一各關徵稅及巡查之地必須題報有案者方准責成員役粵海關所轄海口尤多今遵會典所載粵海關口所名目就其地勢為圖庶便查覈

一漢書百官公卿表先載各官廢置而後為表以紀在官之年月今志監督委員及縣丞司庫之有關權務者吏書丁役亦以額書之至表之系年以監督為主餘官附焉

粵海關志 凡例 二

一關務以稅為重故立稅則以志抽收分數溯自乾隆五十一年清理關務以後邇年仍遞有改易今以現奉戶部則例及關冊所載著於篇

一既設稅額則有課額課額有正有羨道光十四年前任督臣盧坤奏比較近年粵海關徵銀歲多至一百六十餘萬兩有奇而商民晏如外夷歡悅故錄攷核報解之條以紀財貨阜通之本

一理財之官惟謹出入稅則課額皆所以經其入也若夫廉俸工食存留支給之數則以經其出也故以經費繼之其澳門同知香山縣丞及武職營弁之俸餉應歸布政使奏銷者不在此數

一會典及部頒則例各關皆有禁令誠以利之所在弊即生焉今於禁令分官吏商販二目其商販中關出關入之物各以類書而鴉片煙查禁最嚴故備載新定章程以肅

粵海關志 凡例 三

功令

一廣東營汛之設固非專為權務而海口及夷商往來之路向建礮臺又稽查番船必資水師之力故關政轄於督臣而水師亦歸其節制實有相須為用之勢也謹輯近日之營弁礮臺船額兵數編為兵衛一門其餘與關無涉者則概從略

一明王圻論互市之法以貢舶商船當分為二事言貢舶為王法所許司於市舶貿易之公

也商船爲王法所不許不司於市船貿易之私也蓋明制市因於貢非入貢者不得互市故有區別之法我

朝廓然大公因貢而來者稅應免則免之專以市而來者貨應徵則徵之此海外諸番所以畏懷也今入貢各國入貢船門來市各國入市船門

一元典章有船商船牙今之夷商即古之船商也今之行商即古之船牙也二者相須以成

粵海關志 凡例

四

互市故立行商夷商分紀其事

一瀛海之大莫測涯涘且氣候以陰晴而異徑路以沙線而分必在精諳乃占利涉今輯海中雜占及潮信洋面之異同爲雜識一門以資攷覈

一馬端臨作文獻通攷每門之首繫以序文茲編十四門謹於各門述其意於序用誌緣起

粵海關志目錄

卷一

皇朝

訓典

卷二

前代事實一

卷三

前代事實二

卷四

粵海關志 目錄

前代事實三

卷五

口岸一

卷六

口岸二

卷七

設官 表附

卷八

稅則一

卷九

稅則二

卷十

稅則三

卷十一

稅則四

卷十二

稅則五

卷十三

稅則六

卷十四

奏課一

卷十五

奏課二

卷十六

經費

卷十七

禁令一

粵海關志 目錄

二

卷十八

禁令二

卷十九

禁令三

卷二十

兵衛

卷二十一

貢舶一

卷二十二

貢舶二

卷二十三

貢舶三

卷二十四

市舶

卷二十五

行商

卷二十六

夷商一

粵海關志 目錄

三

卷二十七

夷商二

卷二十八

夷商三

卷二十九

夷商四

卷三十

雜識

粵海關志 目錄

四

粵海關志卷一

皇朝

訓典

臣謹案自周易有重門擊柝之文周禮有司關舉貨之法經制所定在昔為然秦漢以來征權愈密降及明季以軍興餉絀稅額屢增我

朝肇造區夏蕩滌繁苛順治元年革明末加增稅額四年禁勢官土豪津頭牙店擅科私稅六年禁例外多征迨海禁既開悉停口內橋津地方

粵海關志

卷一

訓典

貿易車船貨物抽分又酌減洋船丈抽之例康熙三十七年減廣東海關稅額至乾隆年間外洋夷船有舍粵海而趨浙海者疆吏欲據浙關科則更定粵海課額

高宗純皇帝諭以示在限制不在增稅

列聖相承如天覆冒

溫綸誥誠至再至三惟恐司權之人因利乘便我

皇上又整飭關務

諭以實力整頓包攬等弊嚴行約束家人書吏蓋必

清樞務之源而後可以裕課可以通商可以便民可以柔遠所謂一得而無不得者道在此也書曰是彝是訓于

帝其訓又曰

聖有謨訓明徵定保凡在司事臣工所當恭聞德意而遵行勿替焉爾

順治六年

聖諭設關徵稅原寓稽察奸宄之意非專與商賈較錙銖也爾部行文各關滿漢官員以後俱照原定則例

粵海關志 卷一 訓典 二

起稅如有徇情權貴放免船隻乃於商船增收或希充私彙例外多征以病商民者一經查出定行重處

順治八年

聖諭推關之設原有定額差一司官已足何故濫差多人忽而三員忽而二員每官一出必市馬數十匹招募書吏數十人未出都門先行納賄戶部填給糧單沿途騷擾鞭打驛官奴使村民包攬經紀任意需索量船盤貨假公行私商賈恐懼不前百物騰貴天下通行河道何以此朕灼知今日商民之苦著仍舊

每關設官一員其添設者悉行裁去以後不得濫差其裁缺撤回之員既不利於商賈又何利於州縣之民戶部不得妄咨勤勞吏部不得更與銓補國家愛惜牧民之官豈仍前朦混爾部謹識朕諭實心遵守毋負朕通商愛民之意

康熙四年

聖諭各省關鈔之設原期通商利民以資國用近聞各處收稅官員巧立名色另設戕秤於定額之外恣意多索或指稱漏稅挾詐過往商民或將民間日用瑣

粵海關志 卷一 訓典 三

細之物及衣服等類原不抽稅者亦違例收稅或商賈已經報稅不令過關故意遲延指勒遂其貪心弊端甚多難以枚舉嗣後凡地方收稅官員俱著洗心滌慮恪遵法紀如有前項情弊在內科道官在外督撫嚴密參奏從重治罪如督撫不行參奏別經首發即治該督撫以徇縱之罪

康熙二十五年

聖諭國家設關權稅必征輸無弊出入有經庶百物流通民生饒裕近來各關差官不恪遵定例任意征收

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十

託言辦銅價值浮多四季解冊需費將商人親填部冊改換塗飾既已充肥私橐更圖溢額議敘重困商民無裨國計朕思商民皆我赤子何忍使之苦累今欲除害去弊必須易轍改弦所有見行例收稅溢額即陞加級紀錄應行停止其採辦銅斤定價既已不敷作何酌議增加其四季達部冊籍應俟差滿一次彙報嗣後務令各差潔己奉公實心釐剔以副朕體下恤商至意如或仍前濫征侵隱藐玩不悛作何加等治罪至銅價既議加給額稅應否量征俱著九卿詹事科道詳議具奏又

粵海關志 卷一 訓典 四

聖諭凡收海稅官員因係創行設課希圖盈溢將出入商民船隻任意加征以致病商累民亦未可定著嚴加申飭務令恪遵定例從公征收無溢無苛以副朕軫恤商民至意

雍正元年

聖諭國家之設關稅所以通商而非累商所以便民而非病民也朕撫御寰區加惠黎庶惟恐民隱不能上達近聞權關者往往寄耳目於胥役不實驗客貨之

多寡而止憑胥役之報單胥役於中未免高下其手任意勒索飽其欲者雖貨多稅重而朦蔽不報者有之或從輕報者有之不遂其欲雖貨少稅輕而停滯關口至數日不得過是以國家之額稅聽猾吏之侵漁以小民之脂膏飽姦胥之谿壑司其事者竟若罔聞又聞放關或有一日止一次者江濤險急河路窄隘停舟候關於商民亦甚不便嗣後權關者務須秉公除弊過關之船隨到隨驗應收稅者納稅即放不得任胥役作姦勒索阻滯以副朕通商便民之意

粵海關志 卷一 訓典 五

雍正二年

聖諭從來關權之設或用欽差專轄或令督撫兼理無非因地制宜利商便民之至意也大抵關差之弊皆惟知目前小利恣意侵漁聽信家丁縱容胥吏開關分別遲早肆無厭之誅求報單任意重輕為納課之多寡飽谿壑者則任其漏稅代為朦朧不遂欲者則倒篋傾箱不遺纖細致商賈畏懼裹足不前行旅徬徨越關迂道則困商實所以自困也故關差惟在嚴禁苛求使舟車絡繹貨物流通則稅自足額至於督

撫皆封疆大吏當仰體朝廷歸併之心不得視為帶
理漫不經心誤任屬員聽其剝削况欽差猶每年更
換而督撫兼理則無限期若不實心奉法遴委得人
責有攸歸其恪遵朕旨又

聖諭朕念商賈貿易之人往來關津宜加恩恤故將關
差歸併巡撫兼理以巡撫為封疆大吏必能仰承德
意加惠商旅也但各關俱有遠處口岸所委看管之
家人賢愚不一難免額外苛求及勒取飯錢之弊稍
不如意則執送有司有司礙巡撫之面徇情枉法則

粵海關志 卷一 訓典 六

商民無所控訴矣嗣後將上稅課之貨物遵照則例
逐項開明刊刷詳單分發各貨店徧行曉示使眾皆
知悉其關前所有刊刻則例之木榜務令豎立街市
人人共見不得藏匿屋內或用油紙拚蓋以便高下
其手任意苛索立法如此自能剔除弊端但爾等受
朕委任之重尤當仰體朕心遴選誠實可信之人以
任稽查之責必期商民有益方為稱職

雍正七年

聖諭各關開放船隻之處向例部頒號簿以便稽查近

聞各關別設私簿征收惟於報部之時始將號簿挨
日填造其意以水路商船往來多寡不齊若據實填
簿則不能逐日有征收數目恐干部駁是以設法勻
派填造如此則簿內全非實在數目與商船過稅串
票毫不相符殊非政體凡事據實則可以無弊作偽
則弊竇叢生今既任意勻派填造則號簿亦為虛設
矣嗣後各關於部頒號簿務須據實填寫如無船隻
過稅之日亦即註明不得仍蹈前轍致滋弊端又

聖諭朕即位以來屢有臣工條奏各處地方官征收落

粵海關志 卷一 訓典 七

地稅銀交公者甚少所有盈餘皆入私橐雍正三年
又有人條奏廣西梧州一年收稅銀四五萬兩不等
止解正項銀一萬一千八百兩漳州一年收稅銀二
萬兩止解正項銀二千六百兩應令該撫查覈據實
奏聞并令各省抽收稅銀之處俱據實奏報等語隨
經九卿議令各省督撫遴選幹員監收一年之後視
其盈餘若干奏聞候旨朕思孟子言治國之道首稱
取於民有制所謂有制者即一定額征之數也若課
稅之屬無顯然額征之數則官吏得以高下其手而

閭閻無所遵循卽如從前各處稅課經地方官征收有於解額之外多數倍者且多至數十倍者既無一定程則多寡可以任意其弊不可勝言屬員既已貪取上司必至苛求官員既已營私胥吏必至橫索日積月累漸有增加之勢豈非生民之隱患乎朕是以允從條奏所請及九卿所議令各省督撫委員監收以定科則其征收不及舊額者亦令奏聞降旨裁減年來報出盈餘之處朕皆令留於本地或作各官養廉之需或爲百姓公事之用使官員用度有賴自不

粵海關志

卷一

訓典

八

妄取民財使地方公用有資卽可寬恤民力無非以小民財物仍用之於民間不令飽貪官汙吏之慾壑而已乃聞外省中多有奉行不善者以朕愛民除弊之善政而庸劣有司借歸公之名或肥身養家或爭多鬪勝以致肩挑背負之微物皆征收稅課而該督撫等又不悉心稽查民間苦於擾累自諭到通行之後倘仍有如此者必從重治罪決不寬貸

雍正八年

聖諭向來各處落地稅銀大半爲地方官吏侵漁入己

是以定例報出稅銀四百兩者准其加一級後因查報漸多吏部定議報出稅銀八百兩者准其加一級多者以此計算年來地方官員皆知守法奉公凡有稅課隨收隨報不敢侵隱其報出之數每倍於舊額祇恐將來不無真倖功名之人希圖優叙以致恣意苛索擾累小民且落地稅銀非正項錢糧有一定之數者可比侵蝕隱匿者固當加以處分而爭多鬪勝者不但不當議叙亦當與以處分其如何定議並如何議叙加級處分之處著吏部戶部悉心妥議具奏

粵海關志

卷一

訓典

九

雍正十三年

高宗純皇帝聖諭朕聞各省地方於關稅雜稅外更有落地稅之名凡糧鋤箕帚薪炭魚蝦蔬菜之屬其值無幾必查明上稅方許交易且販於東市既已納課貨於西市又復重征至於鄉村僻遠之地有司耳目所不及或差胥役征收或令牙行總繳其交官者甚微不過飽姦胥猾吏之私橐而細民已重受其擾矣著通行內外各省凡市集落地稅其在府州縣城內人煙湊集貿易衆多且官員易於稽查者照舊征收

不許額外苛索亦不許重複征收若在鄉鎮村落則全行禁革不許貪官汙吏假借名色巧取一文著該督撫將如何裁革禁約之處詳造細冊報部查覈倘奉旨之後仍有不實心奉行暗藏弊竇者朕必將有司從重治罪該督撫並加嚴譴此旨可令各省刊刻頒布務令遠鄉僻壤之民共知之

乾隆二年

聖諭據原任江西巡撫俞兆岳奏乾隆元年九江贛州兩關稅課盈餘銀兩較前任共減收九萬有餘此事

粵海關志

卷一

訓典

十

交與該部及新任巡撫岳濬查覈奏聞朕前因各省關稅於正額之外每多無名之費恣意勒索苦累商民是以降旨釐剔弊端將應行減除者概令禁止全在督撫大臣等督率司權之員潔己奉公實力遵行以副朕輕徭薄賦加惠商民之至意今就江西一省言已少收銀十萬兩推之各省則約計百有餘萬矣如果商民得沾實惠即更逾此數亦朕所樂聞有何吝惜但從來關稅務與百物價值原係相為表裏如果關稅減輕則物價亦必平賤若稅輕而價仍不

減是各關所減課銀商民並未沾被恩澤徒飽吏胥之囊橐耳我

皇考臨御以來澄清吏治凡此等官侵吏蝕之習久已弊絕風清今督撫諸臣如不能稽察屬員被其朦混則庸懦無能有忝封疆若或己身稍有染指則名節有虧朕一經擯斥之後斷不復加錄用也可將此旨傳諭各省督撫令其各行稽察深自警省若錯會朕釐剔弊端藏富於民之意又欲多報贏餘以致商民受困識見卑鄙其罪更不可追矣又

粵海關志

卷一

訓典

十

聖諭御史舒赫德條奏請將各省稅務歸併旗員管理此奏甚無識見彼意以為旗人生計艱難若管理稅務則可沾餘潤以資養贍不知國家設立關隘原以查察奸宄利益商民並非為收稅之員身家之計也若以旗員貧乏而差遺之是導之使貪矣朕日以砥勵廉隅訓勉臣工尚恐其不能遵奉而可以謀利之見為之導乎況當日旗員管理關務者亦指不勝屈惟視此以為利藪故貪黷之風侵蝕之弊不一而足因而身罹罪譴籍其家產累及子孫是今日旗員之

貧乏未必不由於當年收稅之所致也豈可使之復蹈前轍且各省委辦稅務率多道府等官並無滿漢之別如滿洲有任道府而廉潔自愛者何嘗不可派委而必定其爲例乎總之爲上者施逮下之仁惟有勵以忠勤示以節儉固其根本之圖而爲下者則當早作夜思宣力供職以永受國家惠養之恩方可謂之計長久蓋厚其生計之道不可不思而長貪風以爲下則利未見其爲利且貽害於後日此理甚非所以教旗員之道也非所以愛旗員之心也朕御極之初圖理琛卽爲此奏總理王大臣亦以爲可行朕並未俞允後此陳奏者紛紛朕概不准行亦未交議今舒赫德又條奏及此可將朕旨宣示於外使咸知朕意毋得以竟不可行之事再行妄奏又

聖諭朕思商民皆爲赤子輕徭薄賦俾人人實沾惠澤乃朕愛養黎庶之本懷但恐官吏不能實力奉行仍多取巧以飽私橐則徒於國課有虧而於商民無益卽如年來各省關稅較前額數大減矣其取之商民者仍似未減若關稅減輕則商貨價值亦應平減今

粵海關志

卷一

訓典

十一

京師貨物騰貴仍復如前可知商民未得實沾減賦之益

乾隆六年

聖諭各省關稅定有正額而儘收儘解自有贏餘此不過杜司權者侵蝕之弊並無有累於商民也但各省年歲之豐歉不同貨物之多寡亦異其贏餘原不能每年畫一近見各關報滿之時如贏餘浮於上年則部中不復置議如減於上年之數卽行駁覈司權者惟恐部駁必致逐歲加增年復一年將何所底止若

粵海關志

卷一

訓典

十三

累商民事有必然之勢朕思關稅贏縮相去本不致懸殊若乙年所報贏餘之數稍不及甲年原可不必駁覈若過於短少亦必有情由惟應令督撫稽查則地方實在情形自難逃於公論總之查覈過嚴則額數日增其害在於衆庶查覈稍寬則司權侵蝕其損在於國帑此中輕重固有權衡况清廉之吏斷不肯侵帑肥家而不顧行止者終必敗露亦斷無安享無事之理其如何定例之處著大學士會同該部詳議具奏又

聖諭近見居官者家計多覺艱難而旗員爲甚朕思百姓尙欲其盈寧而况居官者乎因欲措久遠利益之道而先思其所以致此之由細推其故蓋由於查辦虧空其囊橐不足抵補則將房屋入官以致資生無策棲身無所且不獨本身爲然旁及弟兄親戚平日沾其餘潤者亦皆牽帶於中以補公項而仕宦之家遂多致貧乏矣又思當日所以如此辦理者蓋以其先各省火耗聽其自取漫無稽查而關稅正額之外盈餘盡皆入己以致官員縱欲敗度恣意奢靡親族

粵海關志 卷一

訓典 十四

分肥於一時而不計後日之波累若不加意整飭則官箴不恤國法漸弛大爲人心風俗之害是以我皇考旋乾轉坤密籌默運然後定有章程世風不變雖滿漢官員等用度不能充餘然無甚貧甚富之別且不貽後日身家之患此我

皇考仁至義盡之舉非言利也若云言利則未解火耗之前地方一切公務皆係官民承辦今則動用公項公項猶前之火耗也然以公項不足而請動正帑者不知其凡幾矣衆所共知國家亦豈利此而爲之乎

又如關差一項從前司稅之人歸之私囊者後令報出卽爲盈餘耳金非現征之外有所加增也雖管關之人賢愚不一或有奉行不善欲增課以見長因而需索累民者然此十之二三耳較之未經澄清以前已覺減少者蓋多矣朕臨御以來又復覈減稅課不下數十萬且不時嚴飭該管諸臣剔除諸弊至再三今條奏關稅者尙屬紛紛如海望係

粵海關志 卷一

訓典 十五

皇考及朕簡用之大臣豈不知國體而但知言利者比其管理崇文門稅務不過儘收儘解盡行報官不似先前之入私橐因而見其獨多耳朕卽另派大臣管理理想亦如其數也若如御史胡定所奏苛索種種朕可以信其必無何爲加此過甚之詞耶崇文門稅務不必另議至外省關課皆久經該督撫就近稽查除現設口岸報部有案者照舊設立外其有私行增添之口岸逐一詳查題報應留者留應革者革此番查辦之後司權之員若再有違例苛索者胥役嚴處官吏嚴參該督撫不行查察經朕訪聞必於該督撫是問至滄墅北新二處係江浙大關尤爲緊要交與楊

超曾德沛照此稽查辦理楊超曾德沛皆係國家公忠大臣必不肯徇庇管關之員而貽累小民亦斷不肯似腐儒妄生議論違道以干譽也此番定議之後嗣後各官風聞不實之言不得再行瀆陳總之天下之事盈虛消長相爲倚伏從前官員取盈以圖快意未幾而有缺正帑國法具在清查著追而家計蕩然不但取盈者不爲己有且金失其祖父所畱之業子孫金受其困比比皆然莫之或爽近觀臣工之意頗有以現在所行之例爲不便者意欲將耗羨盡與本

粵海關志

卷一

訓典

六

官司權悉從內遣謂可多得養廉食用豐裕不知豪奢之習起於有餘目下多獲資財不過三數年間俯仰從容欣欣得意未幾而匱乏隨之且必致仍前之虧缺公帑而清查著追之事隨之朕縱不能措置得當使受目前之惠又何忍縱之敗度以隱貽日後之憂乎况古云王者之國富民霸者之國富士僅存之國富大夫如果百姓家給人足卽居官者不甚豐饒猶不失輕重之權衡也且言居官貧乏仍出於居官者之口而入於朕耳朕亦不過疑信各半究之思所

以富之之心未如思所以富萬民之心之切也朕仰皇考貽謀遠略一切章程惟有守而不失間或法久弊生隨時酌量調劑則可若欲輕議更張不獨勢有不可亦且朕之薄德力有所不能可將此曉諭內外大小臣工金八旗知之

乾隆七年

聖諭朕惟惠養萬民之道以輕徭薄斂爲先自御極以來於蠲租減賦外割除各省關稅不下百萬又令將稅課規條刊刻木版通行曉諭不許額外征收宜其

粵海關志

卷一

訓典

十七

商民均沾惠澤行旅各安牧圉乃近聞各關過往商旅尙不能普被恩惠怨聲嘖嘖究其由來皆因司權之家人胥役巧立名色重斂征收勒捐需索弊端百出不飽其欲則逗遛不肯放行大爲行旅之害是國家徒有減稅損上之德而商民未受減稅益下之恩無知者尙嘖嘖於稅課之重所謂不揣其本而齊其末卽使再減數百萬額稅用是以往朕知其於商民仍屬無益也夫司權官員一任家人胥役肆橫無忌漫無覺察商旅其何以堪朕思督撫有稽查通省之

責凡屬地方利弊何一不當留心釐剔而關稅弊竇若此朕在京尙有所聞督撫身在本省豈竟一無聞見乎總因視非己事故爾漠不關心耳嗣後著該督撫嚴行訪察遇有此等弊端立即嚴拏重究如司權官員瞻徇袒護亦即據實奏聞不得視為具文以奉旨之後一查即可了事務期實力稽查俾商民永無苦累倘朕再有所聞或被科道指實參奏朕惟該督撫是問

乾隆三十七年

粵海關志 卷一 訓典 六

聖諭據弘昉奏閩海關各口岸委員征收稅課請咨部分記功過一摺所辦非是各關口分派委員稽查就其勤惰分記功過以示勸懲乃該管關衙門自應酌辦之事本非可由部議叙議處是以前歲弘昉條奏時即批不必交部令與鐘音詳酌辦理嗣據鐘音議覈此欵應聽該衙門自行辦理而文員考覈功過毋庸另辦因為允行今弘昉奏到竟按分數盈絀開列清單請咨部稽覈殊屬瑣屑不成事體國家設立權關原以稽查奸宄巡緝地方即定額抽征亦恐逐末

過多藉以遏禁限制至各口岸商船出入每月多寡不同稅額即因之贏縮豈能預為定數且委員等如果有多征少報及勒索賄放等情弊查出即應治罪若因此繁設科條按月額為殿最非惟事涉紛繁不成政體金恐委員等畏過貪功違例浮征苛刻商賈其流弊將無底止即如昨歲淮關監督方體洛上年過關船少額數不足遂爾多方繁擾致商販裹足不前經朕察其辦理不善將伊交部嚴加議處即寓防微杜漸之意朕辦理庶政務崇大體從不肯為繁碎難行之事至征權一事惟嚴稽官吏之侵剝不使絲毫累及商民弘昉所奏不可行金著傳旨申飭仍通諭中外知之

嘉慶十七年

粵海關志 卷一 訓典 九

聖諭御史陳超會奏請飭各關監督及總理兼理關務各員慎選家丁書吏金隨時嚴行約束一摺各省關口征收稅課勢不能不派家丁書吏代為經管該丁役等有誠實謹守者或不敢作姦犯科若貪詐之徒用度侈靡則虧缺侵隱之弊相因而起近年各省關

稅每多紕短未必不由於此嗣後各直省有經征關稅之責者務宜選誠實家丁書吏分派經管並隨時查察嚴行約束其狡偽侵欺者即隨案懲辦庶惟務肅清自於公帑有裨將此通諭知之

嘉慶十九年

聖諭關市之設所以通商便民成法極為詳備近日該管官奉行不實日漸廢弛各關口應立之課稅木枋金詳單小本均不堅立刊刻商賈不知稅例多寡任聽家人吏役額外抑派多收少報虧課病商叢滋弊竇至各省牙行亦不按年清查率多頂冒朋充甚或假託官差多方苛索俱應隨時查禁著通飭管理稅務衙門及直省地方官申明例禁實力奉行勿任姦胥市僧勾串欺朦以除積蠹

道光三年

上諭給事中清安等奏整飭關務以澄弊源一摺各關正額盈餘例有常數近年征收虧短緣積弊未能悉除凡關津市鎮地方往往有惡棍把持蠹役盤踞及牙行舖戶人等相緣為姦包攬商賈串囑

粵海關志

卷一

訓典

三

在關家人書吏以重報輕以多報少通同掩飾漁利分肥甚至納賄私放偷漏隱匿皆所不免嗣後各關務須實力整頓包攬等弊嚴行約束家人書吏毋得稍有徇縱俾關務胥歸覈實以裕課項

粵海關志卷一終

粵海關志

卷一

訓典

三

粵海關志卷二

前代事實一

臣謹按馬端臨作文獻通考立市羅門以市易與互市並列竊以為二者名同而實異也市易之法原於均輸和買曰貸息曰抵當曰質遷以縣官而行黠商豪賈之所為究之物價騰踊商民怨讟此新法所以亂天下也若互市則誠所謂以其所有易其所無矣無抑配之弊無科率之煩收征稅之入省戍守之費華夷交資其用

粵海關志

卷二 前代事實一

公私均享其利故自漢至今行之不改在陸路者曰互市在海道者即曰市舶其設官也肇於唐其立制也備於宋然有明中葉又時通時罷者何哉蓋宋之市舶主於助國用明之市舶主於總貨寶有所利而為之勢必有委曲以事彌縫侵漁以快壟斷者求其萬全豈可得乎我國家經費有常不資商榷不貪為寶無取珍奇惟推

柔遠之懷為便民之舉衡之前代原不可同年而語

顧不知前代之所以失無由知我

朝之所以得法積久而大備則前事之師固鑒古者所不廢也謹敘兩漢六朝通商之事而唐宋以來市舶按時代編焉

漢

漢高帝十一年遣陸賈立趙佗為南越王與剖符通使和集百越毋為南邊患害與長沙接境高后時有司請禁南越關市鐵器佗曰高帝立我通使物今高后聽讒臣別異蠻夷隔絕器物

粵海關志

卷二 前代事實一

此必長沙王計也

史記南越尉佗傳

謹案宋趙汝适作諸番志序以為禹貢載島夷卉服厥篚織貝為蠻夷通貨中國之始不知夏書所言專謂職貢非通市也惟趙佗傳言南越關市鐵器當為通市之始宋史食貨志言互市舶法始於漢初與南粵通關市是也故首載之

粵地處近海多犀象瑇瑁珠璣銀銅果布之湊中國往商賈者多取富焉番禺其一都會也自

合浦徐聞南入海得大州東南西北方千里武帝元封元年略以為儋耳珠厓郡元帝時罷棄之自日南障塞徐聞合浦船行可五月有都元國又船行可四月有邑盧沒國又船行可二十餘日有諶離國步行可十餘日有夫甘都盧國自夫甘都盧國船行可二月餘有黃支國民俗略與珠厓相類其州廣大戶口多多異物自武帝以來皆獻見有譯長屬黃門與應募者俱入海市明珠璧流離奇石異物齋黃金雜繪而往

粵海關志 卷二 前代事實一 三

所至國皆稟食為耦蠻夷賈船轉送致之亦利交易剽殺人又苦逢風波溺死不者數年來還大珠至圍二寸以下平帝元始中王莽輔政欲耀威德厚遺黃支王令遣使獻生犀牛自黃支船行可八月到皮宗船行可二月到日南象林界云黃支之南有已程不國漢之譯使自此還矣漢書地理志 後漢 交趾之南有越裳國周公居攝六年越裳以三

象重譯而獻白雉周德既衰於是稍絕及楚子稱霸朝貢百粵秦并天下威服蠻夷始開嶺外置南海桂林象郡漢興尉佗自立為南越王傳國五世至武帝元鼎五年遂滅之分置九郡元帝初元三年罷珠厓逮王莽輔政元始二年日南之南黃支國來獻犀牛世祖建武十二年九真徼外蠻里張游率種人慕化內屬明年南越徼外蠻夷獻白雉白兔肅宗元和元年日南徼外蠻夷究不事人邑豪獻生犀白雉安帝永初

粵海關志 卷二 前代事實一 四

元年九真徼外蠻夷舉土內屬延光元年九真徼外蠻貢獻內屬三年日南徼外蠻復來內屬順帝永建六年日南徼外葉調王便遣使貢獻永和二年日南象郡徼外蠻夷亂交趾刺史樊演發兵救之反為所攻公卿百官皆議遣將發兵大將軍從事中郎李固駁之四府悉從因議拜祝良為九真太守張喬為交趾刺史由是嶺外復平靈帝建寧三年烏潯人內屬皆受冠帶熹平二年日南徼外國重譯貢獻六年復來貢